



Inatsisartunut ilaasortaq Astrid Fleischer Rex  
Inatsisartut Allattoqarfiat  
Maani

**Inatsisartut suleriaasianni § 37 naapertorlugu apeqqummut nr. 2011-113-imut akissut.**

30. marts 2012

Danskit naalakkersuisuisa tungaanut iliuseqartoqalersaerneranut tunngatillugu apeqqummut tunngatillugu apeqqut akineqarpoq akissummi 2011-95-imi.

Postboks 1614  
3900 Nuuk  
Tlf. (+299) 34 50 00  
Fax (+299) 32 52 86  
E-mail: nnpan@gh.gl  
www.nanoq.gl

Tassunga tapiliussatut ilisimatitsissutigineqarsinnaavoq justitsministerip ataatsimeeqatiginerani maajip 9-ani 2011-mi, juunip 22-ani 2011-mi aamma novembarip 4-ni 2011-mi apeqqut saqqummiuttarakku pingasoriarlunilu justitsministerip qularnaartarmagu suliassat kinguaassiuutinik atornerluinernut tunngasut pisoqalisinnaangitsut.

Apeqqutip aappaat tunngavigalugu Naalakkersuisut Nunatsinni Politimesteri noqqaaffigaat oqaaseqaateqaqqullugu, imatullu oqaaseqaateqarpoq:

Issuaaneq aallartippoq:

“Unnerluussummik taamaatitsinissamik maleruagassat eqqartuussisarnermik inatsimmi takuneqarsinnaapput, imatullu oqaasertaqarlutik:

§ 312. Suliassami unnerluussut tamakkerlugu ilaannaaluunniit taamaatiinneqarsinnaavoq

- 1) pasilliut tunngavissaqanngitsuusoq paasinarsippat,
- 2) malersueqqinnissaq pasilligaasup pisuutitaanissaanik kinguneqassangatinneqanngippat, imaluunniit
- 3) suliassap ingerlannissaa ajornartorsiuutinik, aningaasartuutinik imaluunniit piffissanik atuilussinnarnermik suliassap pingaarutaanut aamma pineqaatissiisoqassappat eqqartuussutissatut ilimagineqarsinnaasumut naleqqiullugu naleqqutinngitsunik nassataqarsinnaappat.

Kinguaassiuutinik atornerluinermut atasumik pinerluttuliornernut pingaartumik malugineqassaaq, pasilliineq, suliassami unnerluussinermik kinguneqanngitsaq, akulikinnerpaamik pisarmat § 312, imm. 2-mi aalajangersakkamut innersuussinikkut. Tassunga atatillugu ilisimatitsissutigineqarsinnaavoq, pissutitut tamanna atorneqartarmat, unnerluussisutut oqartussaasut suliassami uppersaasatit tunuliaqutaralugit, uppersarsineqarsinnaanngitsaq pinerluttuliornermi suliameqartuussisoqarnissaa. Taamatuttaaq aalajangersagaq atorneqartarpoq suliameqartuussisutut pisoqalinerneqarsinnaanngikkaangat.

Kalaallit Nunaanni Politiinili suleriaasiuvoq suliassat kinguaassiuutinik atornerluinernut tunngasut, matumani meeqqanut tunngasut ilanngullugit, pisoqalisutut taamaatinneqartarneri qaqutigooortuuvoq. Ukiuni kingullerni suliassat aalajangiiffigineqartut tamarmik aqqusaartorneqarput. 2010-mi septembarip 29-aniit ullumikkumut suliassaq ataaseq kinguaassiuutinut tunngasooq taamaatissimavarput pisoqalisutut, suliassamilu meeraq eqqunngitsuliorfineqarsimavoq. Suliassami pineqarpoq allatut ittumik kinguaassiuutitigut atuineq.” Issuaaneq naavoq.

Taamatutaaq apeqquteqarputit Naalakkersuisut nuna tamakkerlugu iliuusissanut aamma pinaveersimatitsinissamullu pilersaaruteqarnerisut siunertaralugu kinguaassiuutitigut pinerluttaalisitsinissaq aamma inoqatinut ulorianartorsiorititsinnaasumik pissusilersortarneq pillugu. Taamaanngippat Naalakkersuisut qinnuigaatit tamanna nassuiaqqullugu kiisalu pilersaarutigineqarnerisooq pineqartut pillugit pilersaarusiortoqarnissaa?

Apeqqut pineqartoq suliassaqarfima iluaniingimmat tassunga atasumik Peqqinnissaqarnermut Naalakkersuisoqarfimmut apeqqutip ilaannut akissutitut ilanngussassamik piniartoqarpoq, taakkulu ima allapput:

Persuttaanerit, pinngitsaaliilluni atoqateqarnerit aamma kinguaassiuutitigut atornerluinerit Inuunerittami / Innuttaasut peqqissuunissaat pillugu pilersaarummi "2007 – 2012-imut innuttaasut peqqissuunissaat pillugu Naalakkersuisut iliuusissatut pilersaarutaat anguniakkallu"-mi qitiutinneqarput.


Piffissami 2007-imiit 2012-imut pilersaarusiortifiusumi anguniakkat tassaapput:

- persuttaasarnerit aamma pinngitsaaliilluni atoqateqarnerit killilerneqassapput
- meqqatut aamma inuusuttut inuuneq persuttaanertaqanngitsooq, pinngitsaaliilluni atoqateqarfiunngitsooq aamma kinguaassiuutitigut atornerluiffiunngitsooq
- persuttaanerup annertussusiata, qanoq ittuunerata aamma kingunerisai pillugit tamanut ammasumik oqallisigineqarnerat
- innuttaasut akisussaassusermik misigisimanerata aamma isumassuisinnaanerannut piginnaassusiata nukittorsarneqarnissaat
- eqqugaasunut pinerluuteqartunullu katsorsartinnissamut aamma siunnersorneqarnissamut neqerooruteqarnerit qulakkeerneqarnerat

Peqqinnissamut Pinaveersaartitsinermullu aqutsisoqarfik (PAARISA) Peqqinnissamut Naalakkersuisoqarfiup ataaniittup 2009-mi suliaraa: "Persuttaaneq aamma kinguaassiuutitigut atornerluineq – isumassarsianik allattuiffik". Taanna isumassarsianik allattuiffik Inuunerittap piviusunngortinneqarnerata ilaannut ilaavoq. Isumassarsianik allattuiffiup takutippaa persuttaasarnerup aamma kinguaassiuutitigut atornerluisarnerup pinaveersimatinneqarnissaanut iliuuserineqartut sakkortunerunissaat pisariaqartinneqartoq. Isumassarsianut allattuiffimmi suliniutit siunissaq ungasinnerusooq qaninnerusorlu iliuuserineqarsinnaasut allaaserineqarput, tamarmik suleriaatsinik qaffasissunik ilaqartut.

2010-mili Inuunerittap pingaartillugit qitiutillugit suliarisai persuttaaneq aamma kinguaassiuutitigut atornerluineq Ilaqutariinnermut, Kultureqarnermut, Ilageeqaarnermut Naligiissitaanermullu Naalakkersuisoqarfimmit suliassaqarfittut akisussaaffigineqalerput, tassanngaanniillu qulaani apeqqummut Peqqinnissaqarnermut Naalakkersuisoqarfimmut akissutigineqarpoq, "persuttaanermut, persuttaariaatsit assigiinngitsut tamaasa ilanngullugit, iliuusissatut pilersaarusiortoqartoq".

Inussiarnersumik inuulluaqqusillunga



Anthon Frederiksen